

中國歷史地理文獻輯刊

類書類地理文獻集成

第八編

二十

上海交通大學出版社

中國歷史地理文獻輯刊

類書類地理文獻集成

第八編

二十

上海交通大學出版社

類書類地理文獻集成

本冊目録

類書類地理文獻集成・清代民國(三)三才彙編分類字錦

古今記林

古事比

類書纂要

蘭雪堂古事苑定本

四六纂組

博雅備考

類腋

一一一

三三三

一六

一五三

一九一

一八三

一六五

—
—
—
—
—

(清)龔在昇輯

三才彙編

清康熙五年刻本

分野

按周禮保章氏曰以星土辨九州之地此分野之所從來也齊屬元枵越屬星紀晉屬實沈宋屬大火衛屬娵訾鶉尾楚也析木燕也鶉首秦也大梁趙也降婁魯也封域各有分星從來久矣有辨其非者曰吳越南星紀何北與齊衛東而元枵娵訾何北與魯東而降婁何西與魏曰冀州晉何不屬冀而屬益魯曰兗州何不屬兗而屬徐更有以左氏之說爲非者曰無水而梓慎曰宋鄭之饑何關於元枵星紀也日食而士元伯曰魯衛之惡何關於豕韋降婁也星紀與吳同土墨何以曰越得歲而吳

三才彙編

卷一 分野

二十二

類書類地理
文獻集成

伐之必受其凶參墟爲晉地子產何以曰高辛之子而能爲晉侯之祟分星之說何所據耶考之史冊四星聚牛女而晉元王吳四星聚觜參而齊祖王魏彗掃東井而符堅亡秦景見箕尾而慕容德復燕則分野之驗災祥之相應與國之政事既有相符者矣蓋懸象在天其本在地星之與土以精氣相屬而不係乎方隅其占測以山河爲限而不主於州國此唐一行辨地脉於兩戒識天漢於四維而爲分野之論者也鄭氏言十二邦係十二次隨其國之所封屬其星之所在賈氏曰受封之日歲星所在其國屬焉後或以七星主九國武係以二十八宿或係以

五緯可否紛然總不若一行之爲正矣十二次之所分則詳於班固固取三統曆相配宿度甚明若費直蔡邕魏太史陳卓所入宿度又各不同晉天文志始角亢以東方蒼龍爲首唐始女虛危以十二支子爲首也以斗牛爲星分之首者以日星起於斗宿古之言天者由斗牛以紀星故曰星紀爲十二次之首而斗牛又二十八舍之首也然古之星經亦散亡者多經生家言又不必強附甘石之緒餘矣



三才彙編

卷一 分野

二十三

中國歷史地理
文獻輯刊

輿地全圖
附西域



三才彙編卷一

輿地

按天以雲漢爲界。地以崑崙爲經。山者水之源。水者山之委。諸山皆發脉於崑崙。本雖同而末則異。諸水皆合歸於海。本雖異而末則同。所以山愈登愈高。而分則小。水愈下愈大。而合則多。其勢然也。人皇畫地爲九。有居中以制八輔。於是土有九山。山有九塞。澤有九藪。水有九品。禹使大章步於東西。豎亥步於南北。而爲經爲緯。爲德爲刑。爲牡爲牝。四維之宅。由之以分二紀之門。由之以立後世。言輿地者。自三危積石。負終南地絡之陰。抵太華而北。逾大河。並太行。抵恒山之右。循塞垣。至於朝鮮。爲

三才彙編

卷一 輿地

二十六

類書類地理
文獻集成

北戎自岷山嶓冢。負地絡之陽。並商山。抵上洛而南。逾江漢。至荆衡。循嶺徼。至百粵。爲南戎。以崑崙爲祖。其幹自中國者。分爲三支。規形度勢。亦周公卜洛之遺。與崑崙遠寄絕域。躬循西極。古乏其人。至元世祖遣使窮河源。詢土物。誌廣袤。逾崑崙又一月。歷赤賓九度。始至河源。則自有河源以來。所未曉也。然言輿地者。皆祖崑崙。謂在中國。乾兌之間。則皆彷彿於圖經云爾。言聲教朔服之所暨。以誌一代之盛者。斷自禹跡爲正。禹別九州。舜爲十二州。周職方復分九州。名與禹異。秦漢以後。爲郡爲州。代更其制。循名失實。禹跡幾不可考。鄭夾漈曰。州縣之設。有時

而更山川之秀。千古不易。故禹貢分州。必以山川定疆界。後之

作史者。主於郡縣。遂變易而不可盡稽。昔者秦罷侯置守。分天下爲四十郡。西臨洮。北沙漠。東索南帶。皆臨大海。漢開越攘朔土。宇彌廣。分爲十三州。部刺史。東樂浪。西燉煌。南日南。北雁門。西南永昌。晉初分十九州。部唐貞觀分爲十道。開元分十五道。置採訪使。以檢察非法。四塞各有都護。南北如前。漢東不及西。乃過之。宋分天下爲二十四路。視漢唐爲促。南徙臨安。比之大。箚而已。元之疆域。自古未有。蓋其徼外之臣。幾千百國。測景之官。東極高麗。西極滇池。南踰珠崖。北盡鐵勒。故曰大言元所信。

三才彙編

卷一 輿地

二十七

中國歷史地理
文獻輯刊

然也。明興過於唐。不及於漢。以大寧朔方之地。棄而不有。互苑樂浪界之外。箚交趾三征。而終棄之。臣比諸光武之閉關。恐未盡然矣。南滇羈縻。瀚海方物。每有前代所未通者焉。歷代之盛。約見於此。居重馭輕。莫若建都爲大。說者曰。古帝王之起。皆在三河之間。周秦以降。都兩京。五季以下。宅大梁。然大江以北。莫若關中。大江以南。莫若金陵。若洛若汴。四戰之地。若鄴。晉若蜀。若杭。又偏安之區也。夫起大事者。必始於西北。而東南非所必爭。乃明祖由金陵而混一。則異乎古之有天下者。成祖定西北。平因元之舊。滄海遶其東。太行峙其西。後枕居庸。前襟

河濟外鎮重關。內控萬國。形勝甲天下。又南北兩都之所不及。殆天所以資大業也。然孟門太行之阻隘。龍盤虎踞之形勢。與王之官闕。屢易其名。亡主之丘墟。踵仍其轍。故曰王者在德不在險。

三才彙編

卷一 輿地

二十八

類書類地理
文獻集成

黃河

漢決酸棗潰金堤

堤在開封榮陽。東至千乘海口。千餘里。歷代築以決河者。文帝時決。至武帝時。又徙頓丘。決濮陽。狐子注鉅野。通淮。泗。泛郡十六。帝自塞之。祭宜房宮。穿龍首渠。道河北行。復禹舊跡。其後復決。館陶分爲屯氏河。東北入海。深廣與河等。元帝時決。鳴犢口而屯氏河絕。

賈讓三策

成帝時。決東郡。王延世以竹絡夾石成堤。改元河平。又決濟南。延世復治之。又溢渤海。泛邑三十。李尋議順河所徙。至後和。中求能。游川者。讓上三策。徙冀民當水衝者。故河入北海。爲上。多穿渠築堤。張水門以壅田。畜泄爲中。繕完故堤。增高倍薄爲下。至東漢。汴渠決。壞即舊金堤也。明帝命王景王吳脩之。自是河汴始分流。復故蹟。

三才彙編

卷一 輿地

二十九

中國歷史地理
文獻輯刊

隋開通濟渠

隋帝自西苑。引穀洛達於河。復自板渚。引河入蔡澤。達於汴。自大梁之東。引汴入泗。達於淮。開邦溝入於江。又開永濟渠。引沁水南達河。北通涿郡。又穿江南河。自京口至餘杭。八百餘里。欲東渡江。巡會稽。入吳越。

唐決博州

明皇時。溢魏城。昭宗時。溢滑州。朱全忠決爲二河。夾城而東。爲害滋甚。唐莊宗塞之。晉時決。楊劉至周世宗始成堤。至博州百二十里。又浚汴口。道河達於淮。江淮舟楫始通。

宋額天祭津

乾德初。韓重斌築滑臺大堤。開寶中。復決陽武。決澶淵。太祖焚香額天。遣曹翰督兵塞之。太宗時。決澶源。遣張齊賢以太牢加璧祭白馬津。又鑿迎陽渠。真宗時。決鉅野。滑城陳堯佐築堤立埽。並河開支。水怒少解。仁宗時。李仲昌請

河分十一
河分十一
河分十一
河分十一
河分十一
河分十一
河分十一
河分十一
河分十一
河分十一
河分十一

三才彙編

寒澶州商胡河穿六塔渠入橫龍故道以披其勢
之歐陽脩言不可後復決乃流仲昌韓贊又言四界首占
大河所經宜設二股渠分河流又并五股河浚之神宗時
決澶州曹村埽北流絕斷東徙於梁山張澤澤分爲二派
一合南清河入淮一合北清河入海凡灌郡縣四十五文
彥博議塞之名靈平埽先是王安石主程助策浚漳河開
二股至是助愛死又陳祐甫言大任太行之間修出故道
從之大抵堅寧專主導河東流開北流元豐以後因河決
而北議者始欲復禹故跡帝愛惜民力從之惟王安石主
東范子淵任其事造無成功王令斷入請浚迎陽河大防
彥博力言不可後果河決內黃東流斷絕徽宗時其北河
清蔡京表賀先是決陽武孟昌齡議道河大任置永遠浮
橋從之欽宗時許翰奏其罪謂首建三山之策回大河之
勢漂沒生靈無慮萬計遂落職全克宋置二十五埽六在
河南十九在河北
各設巡官以守之

三才彙編
卷一 輿地
三十
類書類地理
文獻集成

明開衛河

世祖時決開封凡十五處成宗時漂婦德決蒲口文宗時
郝承務治河魏家道口順帝時決金堤並河郡邑俱被其
害賈魯言疏南塞北使復故道遂自黃陵岡南連白茅河役民開濬防成立河平碑

衛河文皇從之
宋禮開河
徐有貞治河
徐有貞治河
徐有貞治河
徐有貞治河
徐有貞治河
徐有貞治河
徐有貞治河
徐有貞治河
徐有貞治河



永樂中以潘陽軍士言開衛河距黃河北百步置倉受粟
公私兩便宋禮亦奏會通河至魏家灣與上河相連宜開
二小河以泄於土河衛河岸東北至舊黃河有溝渠宜通
入河至海豐大治河入海又命徐亨將廷珪開濬河南黃
河故道英宗時決張秋徙開封石瑛無功徐有貞代按舊
河在開封城北四十里洪武中決原武止隔五里又南行
至項城賴上自壽州入淮故道遂淤至是過開封之西南
而城北之新河又淤汴城在河北矣有貞合五行以平治
水性作廣濟渠通源開卒宗時劉大夏浚賈魯河孫家渡
新河徐恪請由泗入淮以殺上流由徐入淮以殺下流
塞張秋更名安平鎮費輕功重過於有貞世宗時河決徐
沛入鷄鳴臺諸處分爲六股由運河而南灌於淮盛應期


河分十一
河分十一
河分十一
河分十一
河分十一
河分十一
河分十一
河分十一
河分十一
河分十一
河分十一

請開新渠於昭陽湖之左不行既而河又北徙分流離爲
十一穆宗時朱衡潘季馴尋應期故道鑿新漕河河水南
趨衛復開廣築夏鎮神宗時季馴又修老河故道開高家
堰諸處季馴凡四治河皆有功徐沛開河忠翁大立疏浚
楊一魁治河分黃導淮議徙河縣爲圖說以進楊應文又
開伽河劉東星李化龍俱言河入海分三路南路近陵北
路近運中路遠陵濟運而伽河爲要道崇禎九年伽河重
淤成至末年
而河陷開封

三才彙編
卷一 黃河
三十一
中國歷史地理
文獻輯刊

黃河合圖





治河

按河之性。數行而善徙。其橫潰而衝決也。歷代不一其地。而治之亦不一其法。然未有出於賈讓之三策者。三策之中。又多以中下爲法。湍者迂之。悍者平之。奔者瀦之。淤者剔之。折之殺之。從而困屈之。河之行於地也。遂若束縛於治水之人。而不得逞。明之治河。最著者數家。曰宋曰劉曰徐曰潘。先後底績。各有成書。以傳後世。要其措置利便。必聚天下之精悍智計。坐籌而起。斷焉躬歷濱墻。周環渠埽。按前人成跡。集官吏父老。晰水土之性。條分派別。因地補救。然後耗大農役。黔首爲一勞永逸之筭。

三才彙編

卷一 治河

三十五



類書類地理
文獻集成



故曰。兵難遙度。河其可遙度乎。經生不出戶閭。且長於南服。索諸圖說。詡詡曰。治河之宜。是執六韜之書。而秉三軍之繇也。無已。則述古人以備考詳云爾。稽禹之故道。自龍門華陰底柱孟津。東過洛汭大伾。北過絳水。至於大陸。播爲九河。以入海。其蹟則今之大名開州之南。經東昌之館陶。又西南五十里。至於滄之南安。景之吳橋。河間之寧津。是入海之道也。金堤故址。自開封迄于乘海口。是禦河之舊法也。其南徙也。在周定王之時。至漢則故道盡堙。瓠子決。分爲屯氏矣。入于乘。則德棣之間。播爲八矣。所稱太史馬煩者。是委之所分。偶合於禹之所治。實非古

之遺蹟。然力微勢瀉。不爲害者數百年。其徙入淮也。在宋渡江之時。以一淮而受全河之勇。此涸彼潰。自元迄明。殆無寧日。乃其勢然耳。通考曰。河自星宿踰崑崙。經積石。過臨洮。出龍門。抵潼關。而注於孟津。恬然安瀾也。過虎牢而奔豫徐之境。乃不循故道。屢徙爲害者。其故有四。北土高燥而堅。南土卑濕而疏。一也在北之時。容納猶少。至南而名川三百支川三千。皆會於河。勢益宏放。下流不可容。二也。北有崇山疊嶂。爲限。南則千里平曠。三也。水濁而多泥沙。易於停積。積之稍久。勢必旁嚙。四也。丘濬議曰。河淮合一而清。口又合沁泗沂諸水。以歸於淮。一決而

東則漕渠乾涸。歲運不繼。宜沿河流相地勢。於下流迤東之地。擇便利就卑。汙條爲數河。以分水勢。又於支河旁。創爲圩田。多作水門。以資灌溉。於河身之中。濬滌使深。則中有所受。不至泛溢。下有所納。不至束潰。此皆善於言河者也。蓋賈讓上策。今爲迂議。昔之所慮。止冀州。今歷青兗。豫徐之境。安得盡徙其民乎。次曰多穿漕渠。在未決之時也。下曰堤以塞之。在已決之後也。其大要曰疏曰濬曰塞。而疏濬之別有四。曰生地。則鑿直以導紆。曰故道。則平高以趨卑。曰河身狹者。闢廣者。禦曰減水。河放曠。則制其狂。驟。窳則殺其怒。塞之別有三。曰缺口。水已成川。曰

豁口。隨水高下。曰龍口。水之所會。自新河入故道之濶也。至治堤。則有初築。修築。補築之異。治埽。則有岸埽。水埽。龍尾馬頭之殊。偵視防守。於前壅築。繕修。於後。自古迄今。未聞舍是而別有補苴罅漏之術也。然措置利便。非安坐而談者所能殫究矣。





防江

按江防者外防海寇。內防土寇。上通川湖。下盡海瑞。潯陽扼其首。京口鎮其尾。而皖城則中之咽喉也。防外寇則以出海諸汛地爲重。如北之狼山。蓼角。甯南之吳淞。劉河。靖江。孤懸。崇明。外峙。其諸港沙。皆入犯之徑。明制設督操以控之。鎮巡以駐之。客兵。土兵。哨守。嚴密。其令在遠。出外洋偵探。邀擊。若一入江。縱使堵截。勢難萬全。未免有登岸入內之虞也。蓋金陵爲明之留都。鎮江。瓜儀。爲諸省漕運之要道。財賦所出。不得不重倚之耳。防內寇。則上下千有餘里。洲渚交錯。港浦稠疊。步步設備。處處分

三才彙編

卷一 防江

四十六

類書類地理
文獻集成

巡其墩堡管寨之制。不啻鱗比而櫛密矣。明之巡司弓兵。多取民間之少壯。間相保黨。相救。有周家鄉遂之意。故賊無可入之地。入矣而無可出之隙。沿江得戢其奸。且操臣任江中撫臣任岸上。而彼此相援。勢聯爲一。如登陸則操標進內港。以協捕。如入江則撫標出外水。以策應。利害休戚。異形而同心。戰守賞罰。會謀而齊舉。今其遺制未嘗變也。然明之中葉。趙齊之寇。三過金陵。莫之能遏。及其末也。賊由漢江而下。以掠廬鳳。遂舍舟登岸。中原乃無堅城。豈非承平久而備禦皆屬空名。制度弛而文武互相遜避。遂至土崩瓦解之禍哉。蓋立法之善。貴乎守法之

人。握其成於督操。專其責於鎮巡。盡地分汛。以明賞罰之條。調兵練戰。以兼水陸之勝。出口捍外。先乎踞險。守汛禦內。貴乎策應。兵將有實効。而非虛名。地方有聯合。而無推諉。則戢守之策。旣得。尚何有寇氛之未靖乎。

三才彙編

卷一 防江

四十七

中國歷史地理
文獻輯刊